

Peqqussutissatut siunnersuummut oqaaseqaatit

Nalinginnaasumik oqaaseqaatit

1. Peqqussutissatut siunnersuuteqarnermut tunuliaqutaasut

Aaqqissuussaannermut Ataatsimiititaliap isumaliutissiissutaanut atatillugu perorsaanermut aamma tarnip pissusaanut tunngasunik siunnersuisarneq annertusisamillu immikkut atuartitsisarneq sammisassatut taaneqarput suliassa qarfiit taakku marluk aaqqissuussaannermik iluarsaaqqinnermut atatillugu kommuninut taakku suliassanngortinneqarsinnaaner at pillugu aalajangiisoqalersinnagu erseqqinnerusumik misissuiffigineqartussatut.

Tamatuminnga pissuteqartumik suleqatigiissitaliortoqarpoq KANUKOKA-mit aamma Kultu-reqarnermut, Ilinniartitaanermut, Iisimatusarnermut Ilageeqarnermullu Naalakkersuisoqar-fimmit ilaasortaataaffigineqartumik. Suleqatigiissitap innersuussutigaa perorsaanermut aamma tarnip pissusaanut tunngasunik siunnersuineq annertusisamillu immikkut atuartitsisarneq kommuninut nuunneqassatut. Suleqatigiissitap inernilivoq suliassa qarfiit marluullutik iluaqutaasumik kommuninut nuunneqarsinnaasut. Malugeqquneqassaaq suliassa qarfirmut nuussi-nissamat suli aalajangiisoqanngimmat, ikaarsaariarnermi ataatsimiititaliap (maanna kommu-nerujuit) aalajangigassarimmagu. Suliassa qarfirmut nuussinissamat aamma piunasaqaa-taavoq kommunerujuit Namminersorlutillu Oqartussat akornanni aningaasat ator neqartussatut akuerisassat annertussusissaanut isumaqatigiissusiortoqarnissaa. Suleqatigiissitap matumani maluginiarpaa kommuniusimasuni arlaqartuni Namminersorlutik Oqartussat aningaasat ator neqartartut akuerisaasut saniatigut namminneq tapiisareermata.

Atuarfik pillugu Inatsisartut peqqussutaat nr. 8, 21. maj 2002-meersumi § 31, imm. 3, periar-fissiivoq Naalakkersuisut kommunimi ataatsimi arlalinniluunniit kommunalbestyrelsimik isumaqatigiissuteqarlutik taakku perorsaanermut aamma tarnip pissusaanut tunngasunik siunnersuinerup suliassanik tigusi tinninnaagaat. Taamaalillutik Nuuk, Maniitsoq, Sisimiut, Uummannaq Ammassalillu perorsaanermut aamma tarnip pissusaanut tunngasunik siunnersuinerup maannakkut tigusi nikuupput.

Kommunit perorsaanermut aamma tarnip pissusaanut tunngasunik siunnersuinerup inger-latsilernissaatigut siunertaavoq tamanna kommunit meeqqat atuarfeqarnerannut pingaarnertut akisussaaffeqarnerannut, takuuk meeqqat atuarfiat pillugu peqqussummi § 38, imm. 1, atuar-titsinerullu ingerlanneqarnissaanut, takuuk § 33, imm. 1, nr. 1, taamatuttaarlu immikkut atuar-titsinissamat, takuuk § 14, imm.

1, akisussaaffeqarnerannut atalluinnartutut isigineqartaria-qarmat. Perorsaанermut aamma tarnip pissusaanut tunngasunik siunnersuinerup nalinginnaa-sumik atuartitsinerup atuartunullu ataasiakkaanut immikkut atuartitsinissamik suliniuteqarnerit aallartinneqartarnerata akornanni suliamut tunngatillugu attaviliisuvoq.

Tamatuma saniatigut perorsaанermut aamma tarnip pissusaanut tunngasunik siunnersuinermi allaffiit pingaartutut suliassaraat immikkut atuartitsinermik suliniutigineqartut pitsaassusaasa sunniutaasalu annertusarneqarnissaat siunertaralugu atuarfinnut siunnersuisarnissaat. Taama-tuttaaq immikkut atuartitsinermi pitsaanerulersitsiniарnermut aamma sunniutilimmik, eqaatsumik siunnerfilimmillu suliniuteqarnermut peqataasoqartariaqarpoq.

2. Malittarisassat atuuttut

Meeqqat atuarfiat pillugu peqqussummi § 31, imm. 1, nr. 1 malillugu Naalackersuisut perorsaанermut aamma tarnip pissusaanut tunngasunik siunnersuineq isumagisussaavaat, aalajangersakkamili tassani imm. 3 periarfissiilluni Naalackersuisut kommunimi ataatsimi arlalinniluunniit kommunalbestyrelsimik isumaqatigiissuteqarlutik taakku perorsaанermut aamma tarnip pissusaanut tunngasunik siunnersuinerup suliassanik tigusitissinnaagaat, siuliini allassimasut takukkit.

Kommunit ullumikkut perorsaанermut aamma tarnip pissusaanut tunngasunik siunner-suisoqartut saniatigut marlunnik qitiusumik siunnersuisarfeqarpoq. Perorsaанermut aamma tarnip pissusaanut Siunnersuineq Kujataa Ittoqortoormiинut, Nanortalimmut, Narsamut, Qaqortumut aamma Paamiunut atuuppoq, Perorsaанermut aamma tarnip pissusaanut tunnga-sunik Siunnersuineq Avannaa ukununnga atuulluni Qaanaaq, Upernavik, Kangaatsiaq, Aasiaat, Qasigiannguит, Qeqertarsuaq aamma Ilulissat.

Qitiusumik siunnersuisarfiit marluullutik ullumikkut annertuumik nammineersinnaassuseqar-lutik ingerlapput. Naalackersuisulli Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfik aqutigalugu atuarfimmi tarnip pissusaannik ilisimasalinnik pisortaasussanik atorfinitsitsisartuulluni soraarsitsisuusarlunilu pingaарnerusutigullu aningaasaqarnermik aqutsisuulluni.

3. Siunnersuutip imarisai

Siunnersuutip kingunerissavaa perorsaанermut aamma tarnip pissusaanut tunngasunik siun-nersuinerup isumaginissaanut pisussaaffiup Naalackersuisuniit kommuninut nuunneqarnera. Taamaalillunilu tarnip pissusaannik ilisimasalinnik pisortaasussanik atorfinitsitsisinnaa-titaaneq soraarsitsisinnaatitaanerlu kiisalu aningaasaqarnermik aqutsineq kommuninut nuun-neqassapput.

Perorsaannermut aamma tarnip pissusaanut tunngasunik siunnersuinerup aaqqissuussaannikkut aggorsimaneranut atatillugu suleqatigiissitaliarineqarsimasup kaammattuutigaa kommunin-ngortunut nutaanut tamanut perorsaannermut aamma tarnip pissusaanut tunngasunik qitiu-sumik siunnersuisarfeqalissasoq.

Perorsaannermut aamma tarnip pissusaanut tunngasunik suliassat taakkuuginnassapput.

Perorsaannermut aamma tarnip pissusaanut tunngasunik siunnersuinerup kommuninut sulas-sannngortinneqarneratigut kommunit meeqqat atuarfiannut tunngassuteqartuni pingaartumik kommunit suliassaqaqfigisaanni tamakkiinerusumik akisussaaffeqarnerulissapput aalajangii-sinnaassuseqarnerulerlutillu. Taamaalilluni Namminersorlutik Oqartussani suliffeqarfik peror-saannermut aamma tarnip pissusaanut tunngasunik naliliinermi imaluunniit immikkut atuar-titsisussannngortitsinermi peqataatissallugu pisariaarutissaaq, suliassaqaqfiup matuma nuun-neqarnera piviusunngoriarpat.

Kalaallit Nunaanni namminersornermik inatsimmi nr. 473, 12. juni 2009-meersumi § 1-imi aalajangerneqarpoq aqutsineq Naalakkersuisuniittoq. Aalajangersakkap Kalaallit Nunaanni Hjemmestyre pillugu inatsit nr. 577, 29. november 1978-imeersoq atorunnaarsitami assingu-sumik aalajangersagaq allannngortippaa, § 1, imm. 2-mi aalajangersarneqarnikummat quller-saqarfik “landsstyrimit” siulersorneqartoq. Tamatuma nassatarisaanik peqqussummi tamani “landsstyret” “Naalakkersuisut”-nit (qallunaatuani) taarserneqarpoq.

Peqqussutip atuutilerfissaa siunnersuummi aalajangerneqanngilaq Naalakkersuisut matumun-nga nalunaarutiliornerisigut atuutilissammat. Taamaalilluni periarfissinneqarpoq kommu-nerujuit tamarmik piareersimaleriarpata perorsaannermut aamma tarnip pissusaanut tunnga-sunik siunnersuinerup nuunnissaata atuutilernissaa.

4. Pisortanut allaffissornikkut aningaasaqarnikkullu kingunerisassai

Ataatsimut isigalugu siunnersuut pisortat suliffeqarfiinut aningaasaqarnikkut kinguneqas-sannngilaq, tassami suliassat nammatassallu Nunap Karsianiit kommuninut nuunneqassam-mata.

Inatsisartut aningaasanut inatsisaanni 2009-meersumi konto pingaarnermi 40.01.04-mi Perorsaannermut tarnillu pissusiinut tunngatillugu siunneruisarfik (PPR) aningaasanik kr. 6.593.000-nik missingersuuteqarpoq. Taassuma saniatigut konto pingaarnermi 40.10.13-mi Meeqqat atuarfianni annertusisamik immikkut atuartitsinermi aningaasanik kr. 52.310.000 missingersuuteqarluni. Kontonut pingaarnernut marlunnut taakkununga missingersuutit nuunneqassapput kommunit naalagaaffimmit tapiissutaannut nuunneqarnerisigut.

5. Namminersortunut allaffissornikkut aningaasaqarnikkullu kingunerisassai

Siunnersuut namminersortunut allaffissornikkut aningaasaqarnikkullu kinguneqassanngilaq.

6. Avatangiisinut pinngortitamullu tunngatillugu kingunerisassai

Siunnersuut avatangiisinut pinngortitamullu tunngatillugu kinguneqassanngilaq.

7. Innuttaasunut allaffissornikkut kingunerisassai

Siunnersuut innuttaasunut allaffissornikkut kinguneqassanngilaq.

8. Oqartussaasunik kattuffinnillu tusarniaaneq

Siunnersuut naalackersuisoqarfinnut tamanut, PPR Avannaanut, PPR Kujataanut, KANUKOKA-mut, IMAK-imut, Sulisitsisut Peqatigiiffiannut aamma Psykologit peqatigiiffiannut 21. maj-imiit 9. juli 2008 tusarniaassutigineqarpoq.

Tusarniaanermik ingerlatsinermut atatillugu oqaatigineqassaaq peqqussutissatut siunnersuut meeqqat atuarfianni immikkut ittumik atuartitsineq aamma perorsaanikkut immikkut allatigut ikiorsiisarneq pillugit nalunaarutissatut siunnersuummik ilaqartillugu tusarniaatigalugu nassiunneqarmat. Taamatuttaarlu maluginiarneqassaaq nalunaarutissatut siunnersuut imminermini kingunerissanngimmagu immikkut ittumik atuartitsinerup kommunerujunnt nuunneqarnissaa. Nalunaarutissatut siunnersuut peqqussummut allannguutissatut siunnersuummut ilanngullugu tusarniaassutigineqarpoq Naalackersuisut kissaatigimmassuk nalunaarutissap peqqussummut tulluarsarneqarnissaa, tamatumanilu aamma immikkut ittumik atuartitsinerup kommuninut nuunneqarnissaata ilimagineqarnera.

Tusarniaavigineqartut uku oqaaseqaatissaqaratik akippit: Aalisarnermut, Piniarnermut Nunalerinermullu Naalackersuisoqarfik, Inuussutissarsiornermut, Suliffeqarnermut Inuussu-tissarsiutinillu Ilinniartitsinerup Naalackersuisoqarfik, Dansk Psykolog Foreningip Kalaallit Nunaanni Immikkoortortaqarfia, PPR Avannaa aamma Aatsitassanut Ikummatissanullu Pisor-taqarfik.

Ilaqtariinnermut Peqqissutsimullu Naalackersuisoqarfik

PPR kiisalu meeqqanut inuusuttunullu immikkoortortaqarfik kommuniniimmata kommunit suliassaqarfiit arlallit iluanni meeqqanut ataasiakkaanut eqaannerusumik inunnullu ataasiak-kaanut naleqqussagaasunik suliniutit qulakkeersinnaavaat. Taamaalilluni meeraq kommunip suliniutaani qitiutinneqassaaq, kiisalu Naalackersuisut kommunillu akornanni uteqattaartin-neqassanani.

Attaveqarnermut Avatangiisinullu Naalackersuisoqarfik

Peqqussutissatut siunnersuut pillugu oqaaseqaatinit erserpoq siunnersuut aningaasaqarnikkut kinguneqassanngitsaq. Tamanna peqqussutissatut siunnersuummi § 31-mi imatut aamma allaqqasoqarneranut: "Naalakkersuisut pisussaapput isumagissallugit § 20, imm. 4 naaper-torlugu atuarfiit angerlarsimaffiusut immikkut aqqissuussat"-mut naapertuutinngilaq, taman-nalu sanaartornermut aningaasartuutitigut sunniuteqarsinnaavoq.

Aammattaaq oqaaseqaatinit nalinginnaasunit erserpoq kommunerujussuarni nutaani sisamaa-suni PPR-ip allaffii nutaat sisamat pilersinneqassasut, naak PPR ullumikkut taakkunani mar-lunnik allaffeqareeraluartoq. Tamatuma ilimanarsisippaa PPR aningaasanik amerlanerusunik piumasaqaateqassasoq.

Naalakkersuisut oqaatigaat Naalakkersuisut atuarfinnik angerlarsimaffiusunik immikkut aqqissuussanik isumaginninnissaminut pisussaaffeqarnerat, tak. peqqussutissatut siunner-suummi § 31, imm. 1, nr. 1, allannguuteqanngitsaq, taassuma peqqussummi atuuttumi § 31, imm. 1, nr. 2-junera eqqaassanngikkaanni.

Eqqorpoq Attaveqarnermut Avatangiisinullu Naalakkersuisoqarfiup manna malugeqqullugu oqaatigimmagu, tassalu PPR Naalakkersuisut ataanni massakkut marluinnarnik allaf-feqartoq. Kommunit arlallit PPR-imik tiguisisimanagerat tamatumunnga pisutaavoq. Kommunit taakku suliassamut tassunga PPR-ip allaffiisut allatut kontokkut pingaarnikkut taannaasukkut tapiissutisisarput. Ilisimatitsissutitut oqaatigineqassaaq pineqartoq tassaammat konto pi-ngaarneq 40.01.04, Perorsaanermut tarnillu pissusiinut tunngasutigit siunnersuineq. Ullumikkut aningaasaliissutit Kalaallit Nunaanni tamarmi PPR-ip allaffiisa ingerlanneqarnerinut matussutaasarput, Naalakkersuisullu naliliipput tamanna siunissami aamma ajornassanngit-soq. Taamaattorli Naalakkersuisut siunnersuutigaat aqqissuussineq eqqarsaatigalugu PPR-ip allaffii sisamat, kommunerujussuarni ataasiakkaani tamani pilersinneqassasut. Naqissu-serneqassaarli Naalakkersuisut tamatumunnga sunniuteqarsinnaanngimmata tamanna kom-munit namminneerluinnarlutik oqartussaaffigimmassuk.

IMAK

IMAK isumaqarpoq immikkut annertusisamik atuartitsinermut aningaasaliissutit aningaasanut inatsimmi immikkoortinneqarsimasut naammanngitsut, tassami perorsaanermut tarnillu pissusiinut tunngasutigit siunnersuineq aamma immikkut annertusisamik atuartitsineq pisariaqartinneqaleriartuinnarmata.

Kommunip atuarfinnik immikkut ittunik pilersitsisinnaanerit pillugu aalajangersagaq ujartorneqarpoq.

Aammattaaq PPR-imi atorfeqartitaasut akissarsiaat atorfeqartitaanermilu atugassarisaat kommuninut ikaarsaariarnermi qanoq iliorluni qulakkeerniarneqarnerisut takuneqarsinnaanngilaq. IMAK-ip aammattaaq assersuutigalugu atuarfinni tarnip pissusiinik ilisimasallit pisortaasa

amerlavallaalersinnaanerat, taamaattumillu tamatuma massakkut atorfeqartitaasut ilaannut annertuunik kinguneqarsinnaanera eqqaavai.

Piffissaq atuutilerfissaa 1. januar 2009-usoq siunnersuummi takuneqarsinnaavoq; Naalak-kersuisulli aamma KANUKOKA-p kommuninut ataatsimut tapiissutit pillugit isumaqa-tigiissutigeqqammigaanni takuneqarsinnaalluni tamanna aatsaat 1. januar 2010-mi pissasoq.

Naalackersuisut malugeqqullugu oqaatigaat massakkut siunnersuummi immikkut ittumik atu-artitsineq pineqanngimmat, PPR-ili pineqarluni. Siunnersuut tamanna pissutigalugu immik-kut ittumik atuartitsineq pillugu paasisutissanik isummersornernilluunniit imaqanngilaq.

Naalackersuisut oqaatigaat meeqqat atuarfiat pillugu peqqussummi §§-ini 31-mi 33-milu suliassaqarfii tulleriinneri malillugit Naalackersuisut kommunillu isumagissallugit pibus-saaffeqarfigisaat pineqarmata. Taamaalillutik aalajangersakkat marluk taakku Naalak-kersuisunut kommunalbestyrelsinullu pisussaaffiliisuullutillu piumasaqaateqarput. Ilaatigut atuarfiit angerlarsimaffiusut immikkut aaqqissuussat Naalackersuisut § 20, imm. 4, tak. § 31, imm. 1, nr. 1 tunngavigalugu isumagissavaat. Aalajangersakkani taakkunani kommunit tamanna kissaatigiguniku pisariaqartikkunikulu atuarfinnik immikkut aaqqissuussanik pilersitsinissaannut akornutissaqanngilaq.

Suliassaqarfippassuit, taakkunani PPR ilaalluni, kommuninut nuunneqarnerinut atatillugu suleqatigiissitaliamik pilersitsisoqarsimavoq, kattuffillu atorfeqartitaasullu tamatumanga attorneqartut pillugit ilisimatitsissutaasumik ataatsimeeqatigineqarsimallutik. Suleqatigiis-sitaliaq taanna naliliivoq atorfeqartitaasunik Naalackersuisunit kommuninut suliassaqarfim-mik nuussineq atorfeqartitaasunut pineqartunut annertunerusumik kinguneqanngitsumik aallaavittut pisinnaasoq.

Tusarniaanermi akissutisiaasimasut kingunerisaanik piffissaq atuutilerfissaq allanngor-tinneqarpoq, taamaalilluni suliassaqarfimmik nuussineq kingusinnerusukku Naalackersuisut tamatumunnga nalunaarusiornerisigut pisussanngorluni.

KANUKOKA

Peqqusutissatut siunnersuut kommunini ikaarsaariarnermut ataatsimiititalianut tusarniaati-galugu nassiunneqarsimavoq. Kangia-Kitaani, Qeqqani Avannaanilu ikaarsaariarnermut ataatsimiititaliat tusarniaanermut akissutaat tigueqarsimapput. Ikaarsaariarnermut ataatsi-miititaliat saniatigut kommunit uku aamma tusarniaanermi akissuteqarsimapput: Kommune-qarfik Upernavik, Uummannaq Kommunua aammalu Paamiut Kommunua.

Kangia-Kitaani ikaarsaariarnermut ataatsimiititaliap meeqqat atuarfiat pillugu peqqussummi §§-ini 31-mi 33-milu allannguutit ilalersinnaavai. PPR-ip kommuninut

nuunneqarnissaa Qeqqani ikaarsaariarnermut ataatsimiititaliap tunngaviatigut ilalerpaa, Avannaanili ikaarsaariarnermut ataatsimiititaliaq PPR-ip tiguneqanninnerani pitsaanerusementik piareersarnissamut sivilunerusementik piffissaqarumalluni.

Tusarniaanermut akissutit tiguneqartut tunngavigalugit KANUKOKA-llu nammineq nalilii-nera tunngavigalugu kaammattuutigaarput qulaajaalluni sulineq ingerlaqqittariaqartoq, pisariaqarpat apeqqutit oqaaseqaatillu tusarniaanermi saqqummertut aallaavigalugit.

Ikaarsaariarnermut ataatsimiititaliat arlallit erseqqissarlugu oqaatigaat immikkut ittumik annertusisamik atuartitsinermit aningaasaliissutitut immikkoortinneqarsimasut ikippallaartut.

Qeqqani ikaarsaariarnermut ataatsimiititaliap suliassaqarfiit uku apeqquserpai: Ulluunerani paaqqinniffinnit meeqqat atuarfiannut ikaarsaariarneq, meeqqat immikkut ittumik anner-tusisamik atuartinneqarsimasunik inaarutaasumik naliliiffiginneq aamma PPR eqqarsaa-tigalugu nuna tamakkerlugu assigiimmik periaaseqarneq.

Naalackersuisut malugaat ikaarsaariarnermi ataatsimiititaliat amerlanerussuteqartut PPR-ip kommuninut nuunneqarnissaa akuersaartumik isummerfigigaat, naak Avannaani ikaarsaa-riarnermut ataatsimiititaliaq KANUKOKA-lu isumaqaraluartut suliassaqarfik taanna annertunerusementik qulaajarneqartariaqartoq. Tusarniaanermi akissutisiaasimasut kingunerisaanik piffissaq atuutilerfissaq allangortinneqarpoq, taamaalilluni suliassaqarfimmik nuussineq kingusinnerusukkut Naalackersuisut tamatumunnga nalunaarusiornerisigut pisis-sanngorluni.

Ikaarsaariarnermi ataatsimiititaliat arlallit isumaqarput immikkut ittumik annertusisamik atuartitsinermit aningaasaliissutit ikippallaartut. Naalackersuisut tamatumunnga atatillugu oqaatigaat peqqussutissatut siunnersuut manna PPR-imut tunngasuusoq, immikkut ittumik annertusisamik atuartitsinermit tunngasuunani.

Apeqqutit Qeqqata ikaarsaariarnermut ataatsimiititaliap saqqummiussai eqqarsaatigalugit Naalackersuisut manna erseqqissarumavaat, tassalu ulluunerani paaqqinniffimmit meeqqat atuarfiannut ikaarsaariarneq Naalackersuisut assut pingaartikkaat. Taamaattorli ikaarsaa-riarneq taanna meeqqat atuarfiat pillugu peqqussutikkut aalajangersaavigineqassanngilaq. Naalackersuisulli ikaarsaariarneq taanna meeqqanut suli atualinngitsunut perorsaanikkut inerikkiartuutaasumik ulluunerani neqerooruteqartarneq pillugu peqqussummik piareer-saanerminni sammisimavaat. Aammattaaq meeqqat atuarfianni inaarutaasumik naliliisarneq pillugu Namminersornerullutik Oqartussat nalunaarutaat nr. 9, 9. januar 2009-meersoq Naalackersuisut malugeqqaat, taannami atuartut immikkut ittumik annertusisamik atuar-tinneqarsimasut inaarutaasumik naliliivigineqartarnerat pillugu aalajangersakkanik ima-qarmat. Qeqqani ikaarsaariarnermut ataatsimiititaliap PPR eqqarsaatigalugu nuna tamak-kerlugu assigiimmik periaaseqartoqarnissaanik siunnersuutaa eqqarsaatigalugu Naalak-kersuisut

isumaqarput nuna tamakkerlugu assigiimmik periaaseqarneq kommuninik PPR-ilu eqqarsaatigalugu najukkani ataasiakkaani kissaatigisanik pisariaqartitanillu killilersuinertut iluseqalersoorinnaasoq. Taamaalillutik Naalakkersuisut PPR eqqarsaatigalugu nuna ta-makkerlugu assigiimmik periaasiliornissamik pilersaaruteqanngillat. Naalakkersuisulli malu-geqqullugu oqaatigerusuppaat PPR eqqarsaatigalugu sulineq periaasissallu suliari-nissaannut kommunit periarfissaqarmata.

Aningaasaqarnermut Nunanullu Allanut Naalakkersuisoqarfik

Aningaasaqarnermut Nunanullu Allanut Naalakkersuisoqarfiup kajumissaatigaa suliassaqarfimmik nuussinissamut piffissaliussaq eqqartorneqaqqissaartariaqartoq. Taassuma saniatigut Aningaasaqarnermut Nunanullu Allanut Naalakkersuisoqarfiup maluginiaquaa Namminersorlutik Oqartussat kommunillu akornanni suli aningaasaqarnermut tunngasumik isumaqatigiissusiortoqarsimanngimmat, kissaatigalugulu taanna inissinneqaqqaartariaqartoq suliap Inatsisartunut saqqummiunneqannginnerani.

Tusarniaanermi akissutit tiguneqartut kinguneranik naalakkersuisoqarfiup siunnersuutip atuutilerfissaa allanngortippaa, taamaalilluni Naalakkersuisut matumunnga nalunaarutiliornerisigut pisussanngortillugu. Naalakkersuisoqarfiup pingaartippaa aaqqissuussaanermut ataatsimiititaliap kajumissaataa malillugu Inatsisartut inatsisitigut tunngavissaqalernissaat, tassalu PPR-ip kommuninut suliassanngortinneqarnissaa. Atuutsitsilernissamut piffissamik aalajangiisinaanerup periaffissaqalersippaa isumaqatigiissusiortoqarsinnaanera kommunillu pitsaanerusumik suliassanngortitsinerup tigunissaanut piareersarsinnaanerat.

Siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

§ 31, imm. 1-imik allanngortitsinerup kingunerissavaa Naalakkersuisut perorsaanermt aam-ma tarnip pissusaanut tunngasunik siunnersuisussaataitanerata peerneqarnera. Naalak-kersuisulli pisussaaffiguassavaat ineqarfuiutigalutik atuarfiit immikkut aaqqissuussat, sulia-mut tunngatillugu siunnersorteqarfiup, atuartitsinermt atortussat inerisarneqarnerata, meeq-qat atuarfianni ilinniartitsisut pisortallu pikkorissartinneqartarnerata kiisalu ilinniarteq-qinneqartarnerata ingerlaqqiffiusumillu ilinniartinneqartarnerata aamma perorsaanermt tunngatillugu ilisimatusarnerup ineriartortitsinermillu suliaqarnerup kiisalu meeqqat atuarfianni sulinerup nalilerneqartarnerata ingerlaannarnissaat.

Aalajangersakkami imm. 2 aamma 3 kingunerisaasunik pissuteqartumik iluarsiivigineqarput taamaalilluni normulersuineq imm. 1-imut naapertuutilersinneqarluni.

Nr. 2-mut

Aalajangersakkap kingunerissavaa kommunalbestyrelsip perorsaanermut aamma tarnip pissusaanut tunngasunik siunnersuisoqartitsisuunissaa. Allannguut isumaqarpoq perorsaanermut aamma tarnip pissusaanut tunngasunik siunnersuinissamut akisussaaffik Naalakkersuisuniit kommuninut nuunneqarnera. Kommunit meeqqat atuarfeqarnerannut pingaarnertut akisussaaffeqareerput, tak. meeqqat atuarfiat pillugu peqqussummi § 38, imm. 1. Suliassaqarfimmik nuussiniarneq tamatumunnga sanilliullugu isigineqassaaq, kiisalu perorsaanermut aamma tarnip pissusaanut tunngasunik siunnersuinerme meeqqap kommunip suliniutaani qitiutinneqarnissaa.

Nr. 3-mut

Aalajangersakkap aalajangerpaa peqqussutip qallunaatuani tamani ”landsstyret” ”Naalak-kersuisut”-nut aammalu ”landsstyrets” ”Naalakkersuisuts”-nut allangortinneqassasut. Tamatuma tunuliaqutaanut siunnersuutip nalinginnaasumik oqaaseqaatitaanut innersuussisoqarpoq.

Nr. 4-mut

Aalajangersakkap aalajangerpaa peqqussummi aalajangersakkani taaneqartuni ”Namminersornerullutik Oqartussat” ”Namminersorlutik Oqartussat”-nut allangortinneqassasq. Tamatuma tunuliaqutaanut siunnersuutip nalinginnaasumik oqaaseqaatitaanut innersuussisoqarpoq.

§ 2-mut

Atuutilerfissaa Naalakkersuisut kingusinnerusukkat matumunnga nalunaarusiornerisigut aala-jangerneqarumaarpoq. Tamatuma tunuliaqutaanut siunnersuutip nalinginnaasumik oqaaseqaatitaanut innersuussisoqarpoq.